



Donald Trumpip Kalaallit Nunarput pisiariumavaa




Donald Trumpip Nunarput pisiariumanera pillugu
Padletikkut ilisimariikkatit allattussavatit



YouTubemi isiginnaagaqassaaitit




Atuagassaq atuassavat



Suliassaq soqutiginartitat
toqqassavat



Eqimattakkuutaarlusi
suleqatigiissaasi



Suliarsi atuaqatissinnut
saqqummiutissavarsi




Suliat nalilersussavat





Donald Trumpip Kalaallit Nunarput pisiariumavaa

Immaqa tusagassiutini piffissami kingullermi sammineqarluartoq USA-mi præidentinngortup Donald Trumpip nunarput pisiariumagaa tusareerpat?




Nunarsuarmi tusagassiutini piffissami kingullermi USA-mi præidentinngortoq Donald Trump sammineqarluarpoq. Donald Trump USA-mi siullermeerluni præidentitut qinigaangilaq, siullermik præidentimut qinigaavoq ukioq 2016-imi.

Trumpip siullermeerluni 2016-imi præidentimut qineqqusaarnermini Make America Great Again oqariartaaseralugu qineqqusaarpoq, qineqqusaarpoq; præidentiusimasup Ronald Reagan 1980-imi præidentitut qineqqusaarnermini qineqqusaarnermini oqaasinnaaralugu atorsimasaa. Ronald Reagan klippeeqqami oqariatasaa oqaatigigaa takujuk. https://www.youtube.com/watch?v=FjkX_IBYQHw (00.13 sek.)



Trump ilisimaneqarpoq USA-mi najugaqavissunut illersuisuusoq amerlasuullu isumaqarsimagaluarput præidentitut ivertitaaguni USA nunatut annertuumik ukkatarissagaa. Tassa USA-mi pissutsinut samminerulluni præidentitut sulissuteqassasoq, ilaatigut Mexicomiit USA-mut akuersissutitaqanngitsumik nunasisunut killilersimaarinnilluni pissasoq. Ukrainimi Kangiani Qiterlermilu sorsunnernut USA peqataassanngitsoq kiisalu inussutissat akiisa qaffakkaluttuinnartut akiorniarneqassasut.


2016-imi Trumpip nunarput pisiariumallugu eqqaqqaarnikuuaa. Nunarsuarmi tamanna tupaallaatigineqaaq, tusagassiutit nunarput assut sammivaat. Ilaatigut oqartoqartarpoq taamaaliornermini Trumpip nunarput nittarsaakkaa. Piffissap ingerlanerani Trumpip nunatsinnik piserusunnera puigorneqartutut ippoq.





Ukiorli 2025 Donald Trump USA-mi præresidentitut qinigaaqqippoq. Trumpip oqariartaaseq Make America Great Again (MAGA) qineqqusaarnermini atuleqqimmagu nunaqavissut amerlasuut isumaqarsimagaluarput aallunneqassallutik kisianni Donald Trumpip USA-p killeqarfii allisarnissaanut kisimi eqqarsaatersuutigisimagaa.


Donald Trump præidentinngoqqinnermi kinguninngua arlaleriarluni nunarput aammaarluni pisiariumallugu oqaaseqaaqqittalerpoq. Tamatumuuna avataaniit qisuariarnej annertuneroqaaq. Trumpip nunarput tiguarniarlugu oqaaseqarnera tamanit aalassaataavoq. Nunarsuaq tamakkerlugu tusagassiutigut annertuumik eqqartugaangatsialerpoq, allaat tusagassiortut nunanit assigiinngitsunit nunatsinnut paasisassarsiorlutik tikerarlutik




Kalaallit Nunarput nunarsuarmi pingaaruteqartorujussuuvoq, ilaatigut **jordarter** aatsitassanik qaqutigoortunik nunatsinni nassaassaqarmat, tamakkualu teknologip ineriartortinneqarnissaanut piumaneqartorujussuupput. Aammalu Kalaallit Nunaat nunap issittumi inissisimaneranut isumannaatsuunissaa Donald Trumpip pingaarutilittut isigivaa. Kiisalu Qalasersuup Avannarliup imartaata, umiarsuit USA-miit Asiamut Europamullu nioqqutissanik assartuineq sivikinnerusumik pisinnaammat, aningaasaqarnikkut isumannaatsuunissamullu iluaqutitut takorloorneqarmat.



Taamaattumik nunarsuaq ataatsimut isigissagaanni nunarput nunarpassuarnit pilerigineqartorujussuannngoqqavoq.





Suliassat



Eqimattakkuutaarlusi
suleqatigiissaasi

1 Suliassaq 1

Donald Trumpip Kalaallit Nunarput
sooq pisiarerusunneraa app-i
atorlugu imal. tigussaasunik
suliaqarnikkut saqqummiussiuk.

2

Suliassaq 2

Donald Trumpip Kalaallit Nunarput
soqutigeqqaarneraniit maannamut
pisimasut piffissami pisut
nalunaarsornerat app-i atorlugu
imal. tigussaasunik suliaqarnikkut
saqqummiussiuk.

3

Suliassaq 3

Donald Trumpip Kalaallit Nunatta
pisiarerusunneranut atatillugu inuit qanoq
isumaqarnersut app-i atorlugu imal.
tigussaasunik suliaqarnikkut isumaat
saqqummiutissavasi.

4

Suliassaq 4

Donald Trumpip Kalaallit Nunarput
pisiarissagaluarpagu
atuartut qassit akuerissaneraat qassillu
akuerissannginneraat app-i atorlugu imal.
tigussaasunik suliaqarnikkut saqqummiussiuk.

5

Suliassaq 5



Aatsitassat pingaarnerit qanorlu
naleqartigisinnaaneri app-i atorlugu imal.
tigussaasunik suliaqarnikkut
saqqummiussiuk.

6

Suliassaq 6

Donald Trumpip Kalaallit Nunarput
pisiarissagaluarpagu suut nunatsinnut
pitsaaqutaanersut suullu ajoqutaanersut
app-i atorlugu imal. tigussaasunik
suliaqarnikkut saqqummiussiuk.

Suliat nalilissavat
QR kode scanneruk



Suliarsi naammassigussiuk atuaqatissinnut saqqummiissaasi



Ilinniartitsisumut ilitersuut



1. lektion: Atuartut Donald Trumpi pillugu ilisimariigaat paasinarlugit atuartitsineq aallartissavat Padletikkut immersuitillugit. Immersuereerpatalu illit ilinniartitsisutut immersorneqartut atuallattaassavatit. Atuartut tamarmik immersuereerpata kiap suna allatarisimanageraa eqqartussavasi, taamasillutit atuartup ilisimasariigai killiffissiussavatit. Nittartagaq toorlugu Padlet immersugassaq aariarlugu atuartut Showbiennut ikkutissavat.




1. Lektion: Youtubemi klippit paasissutissanik imallit atuartunut isiginnaartissavatit. Donald Trumpip sooq Kalaallit Nunarput pisiarerusunneraa atuartut ilisimariigassaannut naaptertuunnersoq qulakearniarlugu. Maluginiaruk YouTube klippit assigiinngitsut marluummata qallunaatoortaqarlunilu aamma tuluttoortaqarmat. Oqaatsit sorliit atuartup orniginartinneruneraat aallaaviussaaq, uani imarisaata paasinissaa pingaarnerrummat. Imarisaa pingaarnersiorlugu sooq Donald Trumpip Kalaallit Nunaat persarineraa atuartut qanoq paasineraat eqqartussavarsi.

Qallunaatut: <https://www.youtube.com/watch?v=Juq-dH87pBY> (7,59 min.)

Tuluttut: https://www.youtube.com/watch?v=J_PV6Kl4T7s (4,03 min.)




2. Lektion: Piffissaq siulleq atussavat atuartitsinerup siuliini atuartut suliaat eqqartukkasilu uteqqiiffigalugit. Atuartut allataq atuartinnginneranni oqaatsit ilisimariigassat qanoq isumaqarnerisut klassip iluani eqqartoqqaassavasi, QR kodi scanneruk. Illit ilinniartitsisutut atuartuutitit ilisimanerugakkit allatap atuarnissaanut qanoq atuartitsinissannut aqqissorusunnerit nammineq aalajangissavat.



2. Lektion: Suliassat assigiinngitsut arfiniliusut QR-kodemiittut atuartunut suut suliakkiissutit soqutigintinnerusatik namminneq toqqaassavaat. Soqutigintinnerusaat allattarfissuarmi 1-miit 6-mut allattoriarlugit atuartup aqqi kisitsisit nalaannut allattussavatit. Pingaaruteqarpoq suliakkiussat tamarmik inuttalernissaat.



3. Lektion: Atuartut suleqatigiilertussat eqimattangorlutitk suliakkiissutit paasillaarsimanagerlugit misissoqqissaassavaat. Atuartut isumaqatigiisissavatit kiap suna qanorlu suliarissaneraat. Aallartivinnginnissinni isumaqatigiissaasi piffissaq qanoq sivistigisumik suliassaq suliarissaneraat qaqugulu kingusinnerpaamik naammassissaneraat ulluliillusi. Ass. lektionip tullissaanut suna piariissavaat? Ilinniagassaqassappat? Atuartut suliassaq aallarperiaannaavaat.



4 Lektion: Atuartut suliaat sumut killinnersut killiffissiussavatit. Imaassinnaavoq atuartut lektionimik ataatsimik suli suliassaq naammassinissaannut pisariaqartitsisut. Atuartut tamarmik aatsaat naammassippata suliatic atuaqatiminnut saqqummiussinnaavaat. Saqqummiineq 3-5 min. sivissuseqassaaq eqimattallu saqqumeereerunik apeqqutissaqartoqarpat eqqartulaassallugu pingaaruteqarpoq.



5. Lektion: QR-kode iserfigalugu atuartitsinerup ingerlanerani atuartut suliatic nalilertussanngorpaat. Suliaat naliliinerilu Showbiemut toqqussapput. Ilinniartitsisutut pingaaruteqarpoq atuartut suliaat Showbiemi naatsumik naliliillutit utertiffigissagitit.